



Aningaasaqarnermut, Aatsitassanut, Inatsisit  
Atuutsinneranut Naligiissitaanermullu  
Naalakkersuisoq

Ulloq: 06-02-2022  
J.nr.: 01.31.06/22-00972

## **Aningaasaqarnermut Akileraartarnermullu tallimangornermi ulloq 4. februar 2022-imi aalajangiineranik Naalakkersuisunut ilisimatitsineq**

**Namminersortut suliffiutaanni sulisuusut akissarsiaannut matussusiinissamut Covid19-imut attuumassuteqartunik suliffeqarnermut ikiorsiissutit. Ataatsimiititaliap suliaa nr. 01.31.06/22-00972.**

”Naalakkersuisut inassutigaat

- Ikiorsiissutitut aqqissuussinernik namminersortut suliffiutaanni sulisunut akissarsiaqartitsisunut Covid 19-imik eqqorneqartunut pilersitsisoqarnissaa,
- Namminersortut suliffiutaannut suliffeqarnermut ikiorsiissutitut qinnuteqartarnermut malittarisassani, ikiorsiissutitut tunniussisarnernut aamma aningaasaliissutitut allaffissornermut malittarisassani, Isumaginninnermut, Suliffeqarnermut Nunamullu Namminermut Naalakkersuisoq piginnaatinneqassasoq malittarisassat aqqissuunneqarnerannik iluarsiiisuteqarsinnaanermut,
- Kontomi pingarnermi 20.10.34-imi akuersissut “Coronavirus tunngavigalugu immikkut ittunik iliuusissat” 50 mio kr.-inik qaffanneqassasoq.”

## **Aningaasaqarnermut Ataatsimiititaliap oqaaseqaatai apeqqutaalu**

”Ukiuunerani ikiorsiissutitut” aammalu ”50-ini ikiorsiissutitut” Naalakkersuisut inassuteqaataasa akuersissutigineqarnerannisut ikiorsiissutitut matumani qinnutigineqartut IST-mi angusasst ajorseriartinnerisigut aningaasalersorneqassanersut Naalakkersuisunit allaaserineqanngilaq. Taamaaliornikkulli ikiorsiissutitut aningaasalersorneqarnissaat Aningaasaqarnermut Ataatsimiititaliamit ilimagineqarpoq, tamannalu Aningaasaqarnermut Ataatsimiititaliamut uppersaqqullugu Naalakkersuisut qinnuigineqarput.

1. Ulloq 17. januar tusagassiortunik katersortitsinermi nalunaarutigineqartut inassuteqaatitut taakkununga tunuliaqutaasut isummernissamut tunngavissiami allassimavoq, tamatumani innuttaasut tunillatsissimanermut ersiuteqartut angerlarsimaannarnissamik kaammattorneqarput. Inassuteqaatit matumani pineqartut soq aatsaat 3. februar nassiuneqarpat?
2. Kiisalu missingersuusiornermut malittarisassani immikkoortoq 4.3-mi allassimavoq Naalakkersuisut isummernissaannut tunngavissiami allassimassasoq isummernissamut tunngavissiaq Aningaasaqarnermut Naalakkersuisoqarfimmut kiisalu Naalakkersuisoqarfimmut allanut tusarniutigineqarsimasoq. Taamatuttaaq allassimassaaq oqaaseqaatigineqartut ilanngunneqarsimasut. Taamaattumillu tusarniaanermi oqaaseqaatit

suut tiguneqarsimanerat oqaaseqaatillu taakku qanoq ilanngunneqarsimanerat pillugu akissut Aningaasaqarnermut Ataatsimiititaliamit qinnutigineqarpoq.

3. Suliffeqarnermut ikiorsiissutit Sulisitsisunut, NUSUKA-mut SIK-mullu oqaloqatigiissutigineqarsimasut isummernissamat tunngavissiami allassimavoq. Oqaloqatigiinnerit taakku qanoq inerineqarpat?
  - a) Oqaloqatigiinnerit taakku malittarisassianut sunniuteqarsimappat?
  - b) Kattuffiit/peqatigiiffiit allat aperineqarnissaat naleqqussimassagaluarpa?
    - i. Sooq taakku aperineqarsimangillat?
4. Ikiorsiissutit uku naapertorlugit COVID-19-imik tunillatsissimanermik pasitsaassinermi imminnut napparsimasutut aqqittutullu nalunaarutigisussaapput, tamannalu naapertorlugu suliffeqarfiit suliffeqarnermi ikiorsiissutinik qinnuteqarsinnaallutik. Aaqqissuussinerup taassuma aqutsiviginiarnera unammillernartoqarsinnaasut Naalackersuisunit isigineqarpat?
5. Suliffeqarnermut ikiorsiissuteqarnikkut umiatsiaararsortut tapiiffigineqarnissamik qinnuteqarnissamat periarfissaqalerput. Ikiorsiissutissatut akuerineqartunik (suliffeqarnermut ikiorsiissutit ilanngullugit) pissarsinissamat aalisartut anginerusunik aalisariutillit periarfissaqassappat?
  - a) Tapiiffigineqarnissamat periarfissaqannginnerup aaqqiissuteqarfigineqarnissaanut Naalackersuisut piumassuseqarpat?

### **Aningaasaqarnermut Ataatsimiititaliap aalajangiinera**

Siuliani allassimasutut oqaaseqaateqarluni apeqquteqarlunilu Naalackersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput**.

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua